

ՀԱՄԱԳՈՐԾԱԿՑՈՒԹՅԱՆ ՊԱՅՄԱՆԱԳԻՐ

Արտադրական պրակտիկայի և գործնական ուսուցման իրականացման վերաբերյալ

ք. Գյումրի

«___» _____ 20 թ.

«Գյումրու թիվ 4 արհեստագործական պետական ուսումնարան» ՊՈԱԿ-ը, ի դեմս տնօրեն Քնարիկ Ահարոնյանի, (այսուհետ՝ Ուսումնարան), մի կողմից և _____, ի դեմս _____, (այսուհետ՝ Գործընկեր Կազմակերպություն), մյուս կողմից, (միասին հիշատակելիս՝ Կողմեր), կարևորելով տրանսպորտային միջոցների շահագործում և նորոգում՝ էլեկտրիկ ավտոմեքենաների ծրագրային արատորոշման և սպասարկման ոլորտի զարգացումը և աշխատաշուկայի համալրումը միջին օղակի որակյալ մասնագետներով, կնքեցին սույն Համագործակցության Պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1. Սույն Պայմանագիրը կարգավորում է Կողմերի համագործակցությունը սոցիալական գործընկերության շրջանակներում տրանսպորտային միջոցների շահագործում և նորոգում՝ էլեկտրիկ ավտոմեքենաների ծրագրային արատորոշման և սպասարկման ոլորտում պատրաստելու և վերապատրաստելու միջին օղակի մասնագետներին նախնական մասնագիտական կրթական ծրագրերով՝ ոլորտի և աշխատաշուկայի պահանջներին համապատասխան:
- 1.2. Սույն Պայմանագրի շրջանակում Գործընկեր Կազմակերպությունը ապահովում է Ուսումնարանի «Տրանսպորտային միջոցների շահագործում և նորոգում՝ էլեկտրիկ ավտոմեքենաների ծրագրային արատորոշման և սպասարկման» մասնագիտությամբ՝ թվով մինչև 16 սովորողների (սովորողների ցանկը կից՝ Հավելվածով) մասնագիտական արտադրական պրակտիկական և գործնական ուսուցումը, իսկ Ուսումնարանն իրականացնում է սովորողների գործնական ուսուցման հետ կապված կազմակերպական և համակարգման աշխատանքները:

2. ՀԱՄԱԳՈՐԾԱԿՑՈՒԹՅԱՆ ՆՊԱՏԱԿԸ

2.1. *Սույն համագործակցությամբ Կողմերը նպատակ են հետապնդում՝*

- 2.1.1. Նպաստել տրանսպորտային միջոցների շահագործում և նորոգում՝ էլեկտրիկ ավտոմեքենաների ծրագրային արատորոշման և սպասարկման ոլորտի զարգացմանը և ոլորտում զբաղվածության խնդրի լուծմանը,
- 2.1.2. Համատեղ պատրաստել ոլորտի մրցունակ կադրեր՝ փոխադարձ համաձայնեցված ծրագրերի հիման վրա,
- 2.1.3. Աջակցել կրթական ծրագիրն հաջողությամբ ավարտած սովորողների աշխատանքի տեղավորմանը:

3. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

3.1. *Ուսումնարանը սույն Պայմանագրի շրջանակում՝*

- 3.1.1. ապահովում է կրթական ծրագրի տեսական ուսուցումը և վերապատրաստումը՝ Գործընկեր Կազմակերպության կողմից ներկայացված առաջարկների հիման վրա՝ ուսուցման պահանջներին համապատասխան,

- 3.1.2. սովորողների համար կազմակերպում է տեղեկատվական և ճանաչողական հանդիպումներ Գործընկեր Կազմակերպությունում,
- 3.1.3. Գործընկեր Կազմակերպության առաջարկով մշակում է մասնագիտական դասընթացի մոդուլներ՝ հաշվի առնելով ոլորտի հեռանկարային զարգացումները,
- 3.1.4. Գործընկեր Կազմակերպության հետ միասին սահմանում է գործնական ուսուցման ընթացքում սովորողի կողմից վարվող օրագրի ձևը և լրացման կարգը,
- 3.1.5. վերահսկում է սովորողների արտադրական պրակտիկայի և գործնական մասնագիտական ուսուցման ընթացքը համակարգողների միջոցով,
- 3.1.6. սովորողների համար իրականացնում է մասնագիտական կողմնորոշում,
- 3.1.7. Գործընկեր Կազմակերպության հանդեպ ձևավորում է գրավչություն սովորողների համար և հետագա արտադրական պրակտիկայի և գործնական ուսուցման մոտիվացիա,
- 3.1.8. Գործընկեր Կազմակերպությանը տրամադրում է համապատասխան տեղեկատվություն մասնագետների պատրաստման և վերապատրաստման ծրագրերի վերաբերյալ.
- արտադրական պրակտիկայի և գործնական ուսուցման բովանդակության, տևողության և դրա իրականացման համար անհրաժեշտ պայմանների ապահովման վերաբերյալ,
 - արտադրական պրակտիկային և գործնական ուսուցմանը ներգրավված սովորողների թվաքանակի վերաբերյալ,
 - սովորողների ընթացիկ և ամփոփիչ գնահատման չափանիշների վերաբերյալ,
 - քննական հանձնաժողովի աշխատանքի վերաբերյալ, ինչպես նաև Գործընկեր Կազմակերպության պահանջով ուսուցման հետ կապված այլ անհրաժեշտ տեղեկություններ:

3.2 Գործընկեր Կազմակերպությունը սույն Պայմանագրի շրջանակում՝

- 3.2.1 անհատույց օգտագործման իրավունքով Ուսումնարանին է տրամադրում իր գրասենյակային կամ արտադրական տարածքները, նյութական և մարդկային ռեսուրսները՝ սովորողների մասնագիտական արտադրական պրակտիկան և գործնական ուսուցումը կազմակերպելու նպատակով.
- 3.2.2 ապահովում է սովորողների հետ պայմանագրաիրավական ձևակերպումները՝ կնքելով համապատասխան պայմանագրեր
- 3.2.3 ապահովում է անհրաժեշտ պայմաններ սովորողների մասնագիտական պատրաստվածության, հմտությունների ձեռքբերման և նրանց հետագա աշխատանքի տեղավորման համար,
- 3.2.4 նշանակում է արտադրական պրակտիկայի և մասնագիտական ուսուցման կազմակերպման և անցկացման համար Գործընկեր Կազմակերպությունում պատասխանատու անձին,
- 3.2.5 ապահովում է արտադրական պրակտիկայի և մասնագիտական ուսուցման համար անվտանգ պայմաններ և հրահանգավորում է սովորողներին անվտանգության կանոնների վերաբերյալ,
- 3.2.6 սովորողներին ներգրավում է միայն առողջության համար անվնաս և անվտանգ աշխատանքներում՝ պահպանելով ՀՀ օրենսդրությամբ նախատեսված սահմանափակումներն ու արգելքները,

- 3.2.7 հսկողություն է իրականացնում սովորողների կողմից Գործընկեր Կազմակերպության ներքին կարգապահական կանոնների պահպանման նկատմամբ,
- 3.2.8 կրում է պատասխանատվություն իր մեղքով սովորողի հետ դժբախտ դեպքի համար,
- 3.2.9 մասնակցում է Ուսումնարանի կողմից ուսուցման ծրագրի ռազմավարական ուղղությունների մշակմանը,
- 3.2.10 Ուսումնարանի հետ միասին սահմանում է արտադրական պրակտիկայի և գործնական ուսուցման ընթացքում սովորողի կողմից վարվող օրագրի ձևը և լրացման կարգը,
- 3.2.11 նպաստում է Ուսումնարանի գործունեության լուսաբանմանը և ճանաչելիության բարձացմանը,
- 3.2.12 Ուսումնարանին տրամադրում է տեղեկատվություն սովորողների արտադրական պրակտիկայի և գործնական ուսուցման ընթացի և հետագա հնարավորությունների մասին,
- 3.2.13 կազմակերպում է ճանաչողական հանդիպումներ իր աշխատակազմի և Ուսումնարանի աշխատողներին միջև,
- 3.2.14 ներկայացնում է առաջարկներ մասնագիտական դասընթացների և ուսումնական ծրագրերի բարելավման վերաբերյալ,
- 3.2.15 աջակցում է Ուսումնարանի մանկավարժական կազմի մասնագիտական կարողությունների զարգացմանն և նյութատեխնիկական ապահովվածությանը,
- 3.2.16 ձևավորում է պատվեր աշխատաշուկայում պահանջարկ ունեցող մասնագետների պատրաստման համար
- 3.2.17 սովորողի կողմից պայմանագրային պարտավորությունների խախտման մասին անհապաղ տեղեկացնում է Ուսումնարանին,
- 3.2.18 Ուսումնարանի հետ համաձայնեցնելով լուծում է սովորողի հետ կնքած պայմանագիրը:
- 3.3 Կողմերը պարտավորվում են պահպանել միմյանց՝ համագործակցության շրջանակում հայտնի դարձած առևտրային գաղտնիք հանդիսացող տեղեկությունները:

4. ԿՈՂՄԵՐԻ ԻՐԱՎՈՒՆՔՆԵՐԸ

4.1. Ուսումնարանն իրավունք ունի՝

- 4.1.1. իրականացնել վերահսկողություն Գործընկեր Կազմակերպությունում սովորողների մասնագիտական ուսուցման ընթացքի նկատմամբ .
- 4.1.2. Գործընկեր Կազմակերպություն վերապատրաստման գործուղել մասնագիտական դասընթացների մանկավարժներին:

4.2. Գործընկեր Կազմակերպությունն իրավունք ունի՝

- 4.2.1. Գործընկեր Կազմակերպությունում աշխատանքային կարգապահության խախտման դեպքում սովորողներին ենթարկել կարգապահական տույժի,
- 4.2.2. Առաջարկել ուսուցման ավարտից հետո սովորողին Գործընկեր Կազմակերպությունում պահելու հնարավորության մասին,
- 4.2.3. Առաջարկություն ներկայացնել ուսումնական ծրագրերը վերանայելու և մասնագիտական ստանդարտներին համապատասխանեցնելու մասին:

5. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

- 5.1. Պայմանագիրն ուժի մեջ է մտնում Կողմերի ստորագրման պահից և գործում է մինչև 30. 08. 2027թ. :
- 5.2. Պայմանագրում լրացումներ և փոփոխությունները կատարվում են գրավոր՝ Կողմեր փոխադարձ համաձայնությամբ:
- 5.3. Պայմանագիրը վաղաժամկետ կարող է լուծվել Կողմեր փոխադարձ համաձայնությամբ:
- 5.4. Եթե Կողմերից մեկը խախտել է Պայմանագրի էական պայմանները, Պայմանագիրը ենթակա է միակողմանի լուծման՝ նախապես մյուս Կողմին տեղեկացնելով 30-օրյա ժամկետում:

6. ԱՅԼ ԴՐՈՒՅԹՆԵՐ

- 6.1. Կողմերի միջև ծագած վեճերը լուծվում են անմիջական բանակցությունների միջոցով: Նման եղանակով վեճը չլուծվելու դեպքում այն ենթակա է կարգավորման ՀՀ օրենսդրությամբ սահմանված կարգով:
- 6.2. Պայմանագիրը կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ:

7. ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՑԵՆԵՐ, ԲԱՆԿԱՅԻՆ ՎԱՎԵՐԱՊԱՅՄԱՆԵՐ

«Գյումրու թիվ 4 արհեստագործական
պետական ուսումնարան» ՊՈԱԿ
ՀՎՀՀ - 05536355
Գյումրի, Անի թաղ, 11 փող, 5/2
Տնօրեն՝ Ք. Ահարոնյան

ՀՎՀՀ _____
Հասցե՝ _____
Տնօրեն՝ _____

ստորագրություն

ստորագրություն